



UNIVERSITÄTS-
BIBLIOTHEK
PADERBORN

Universitätsbibliothek Paderborn

Locorum Communium Religionis Christianæ Partitiones

Arnoldus <Vesaliensis>

Coloniae, 1565

VD16 H 312

Caput 40. Intra quos consanguinitatis gradus consistere nequit
matrimoniu[m]?

urn:nbn:de:hbz:466:1-30256

LIBER IIII.

animam à Deo aberrare faciunt, di-
mittere. Quia si infidelis sua sponte
discedat, aliam ducere fidelis potest,
nec sequi eam tenetur, quum ambo
infideles existentes, iuncti fuerint. Si
ambo iuncti fuerant fideles, si vnus
infidelis fiat: alter eam dimittere po-
test: sed aliam, illa viuente, ducere
non potest.

*Amb. ad
Hilarium.*

*Aug. in
serm. domi-
ni in monte,*

Ratum est enim coniugium fide-
lium, non autem infidelium: quia sol-
ui potest, nec habet illud triplex bo-
num, quod matrimonium actum à pec-
cato excusat: nec meretur præmium,
quia ex fide non est.

Caput 40.

Intra quos consanguinitatis gradus
consistere nequit matrimonium?

Cum & cognatio & affinitas ma-
trimonium impedian, in hoc
capite de carnali videndum est,
dehinc etiam de spirituali. Olim ob-
seruatum est, vt ad septimum vsque
gradum cognatio matrimonium im-
pediret, quod ex doctorum veterum
autoritatibus liquet, quamuis aliter
Isidorus, & alij quidam inueniant gra-
dus illos quo ad truncum computare.

Quod autem Grego. genti Anglo

16 rum

LOCORVM COMMVNIVM
rum in quarto, & in quinto gradi-
bus contrahere concessit, ad tempus
hoc fieri voluit, cum nouelli adhuc
essent in fide. Quanquā hodie ex mo-
deratione Ecclesiæ vniuersaliter in
quinto gradu & supra, inter perso-
nas alias legitimas contrahi potest:
& truncus incipit à patre.

Caput 41.

*Quoto affinitatis gradu contrahi
potest matrimonium?*

Gen. 2.

Affinitas (quæ & ipsa matrimo-
nium impedit) est parentela,
quæ ad virum pertinet ex par-
te vxoris, & contrā: eo quod vir &
eius vxor, vna caro dicuntur. Sic er-
go vir & soror vxoris eius sunt in
primo affinitatis gradu: filiū verò vx-
oris in secundo gradu, & sic conse-
quenter.

Et illa olim impediabant vsq; ad
septimum gradum: hodie verò tantū
vsq; ad quartum gradū inclusiue im-
pedit, modificante hæc Ecclesia.

Mat. 19.

Manet autem ipsa affinitas, etiam
matrimonio transeunte, ita vt impe-
diat contractus prohibitos æquē vt
prius. eo quod vir & mulier, iuxta
verbum Dei, sunt duo in carne vna.
Vnde